



## Ծնողների կամ ամուսնու/կնոջ ծնողների վերամիավորումը (§36 III AufenthG) (միայն Գերմանիայի համար)

### Ընդհանուր տեղեկություններ

Հետևյալ օտարերկրյա քաղաքացիների (ռեֆերենտ անձ) ծնողները կամ նրանց ամուսնու/կնոջ ծնողները կարող են դիմել ընտանիքի վերամիավորման վիզայի համար.

2024թ. մարտի 1-ից հետո առաջին անգամ ստորև ներկայացվող հիմքերով՝

- ա) ԵՄ կապույտ քարտ, ICT քարտ կամ Սորբիլ ICT քարտ ստացած օտարերկրացիների,
- բ) ըստ ԳԴՀ Կացության մասին օրենքի 3-րդ պարբերության §§ 18a, 18b, 18c, 1-ին պարբերության §§ 18d, 18f, 19c՝ որպես ծառայող, ղեկավար աշխատող, ձեռնարկատիրության փորձագետ, գիտնական, հյուրընկալվող գիտնական, ինժեներ կամ հյուրընկալվող գիտնականի գիտահետազոտական թիմում աշխատող տեխնիկական մասնագետ օտարերկրացիների,
- բ) ըստ ԳԴՀ Կացության մասին օրենքի 2-րդ պարբերության § 19c կամ 4-րդ կետի 1 ենթակետի կամ § 21-ի ուսուցիչ աշխատելու համար կացության թույլտվություն ստացած օտարերկրացիների:

### Վիզայի համար դիմում ներկայացնելը

Դիմում ներկայացնելու համար անհրաժեշտ է նախապես հերթագրվել: Հերթագրվել կարող եք միայն առցանց եղանակով: Առցանց հերթագրման համակարգ կարող եք մուտք գործել դեսպանության կայքի միջոցով. [www.eriwan.diplo.de](http://www.eriwan.diplo.de) :

- Ոչ գերմանալեզու փաստաթղթերը՝ բացառությամբ անձնագրի տվյալների էջի, պետք է ներկայացնել գերմաներեն հաստատված թարգմանությամբ:
- Վկայականները և նմանատիպ փաստաթղթերը պետք է ներկայացնել բնօրինակով և ապոստիլով/լեզալիզացիայով: Բնօրինակները կվերադարձվեն:
- Վիզայի համար հնարավոր է, որ անհրաժեշտ լինի ԳԴՀ համապատասխան վայրի Օտարերկրացիների հարցերով մարմնի (Ausländerbehörde) համաձայնությունը: Վիզան կարող է տրվել միայն, երբ դեսպանությունը ստանա այս համաձայնությունները:
- Դիմումի քննությունը և մշակումը սովորաբար տևում է 6-14 շաբաթ, առանձին դեպքերում՝ ավելի երկար:
- Ավիատոմսի ամրագրում վիզայի համար չի պահանջվում, խնդրում ենք ավիատոմս ամրագրել միայն վիզա ստանալուց հետո:
- Դեսպանությունն իրեն իրավունք է վերապահում պահանջել լրացուցիչ փաստաթղթեր: Լիարժեք դիմում ներկայացնելը դեռևս բավարար հիմք չէ վիզա ստանալու համար: Ոչ լիարժեք փաստաթղթերը կարող են դանդաղեցնել գործընթացը և հանգեցնել դրանց վերադարձի կամ մերժման: Դեսպանություն ուղարկված այն ֆաքսերը կամ գրությունները, որոնց վրա բացակայում է վիզայի գործի համարը, չեն տեսակավորվում և չեն կցվում գործերին:
- Խնդրում ենք դիմումի վերոնշյալ մշակման ժամանակահատվածում, ձեռնպահ մնալ դիմումի ընթացքի վերաբերյալ հարցումներ անելուց: Այդ հարցումները էապես ծանրաբեռնում են վիզայի բաժնի աշխատանքը, այդ պատճառով վիզայի բաժինը չի կարող պատասխանել:
- Վիզայի վճարը կազմում է 75 եվրո, որը վճարվում է դրամով՝ դիմումը հանձնելիս:

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

- Բոլոր փաստաթղթերը (հատկապես անձնագրի պատճենները) պետք է **ներկայացնել A4 ձևաչափով**՝ առանց ամրացնելու, կարելու և թափանցիկ թղթապանակների:

Սկզբունքորեն բոլոր փաստաթղթերը պետք է ներկայացնել բնօրինակով և մեկական պատճենով: Խնդրում ենք փաստաթղթերը դասավորել այսպես.

- բոլոր բնօրինակ փաստաթղթերը՝ ստորև նշված հերթականությամբ.
- Դիմում-հարցաթերթիկը՝ հայտարարության հետ միասին, և բոլոր թվարկված փաստաթղթերի ընթեռնելի և ոչ մուգ պատճենները՝ ստորև նշված հերթականությամբ.

### Անհրաժեշտ փաստաթղթեր

- գերմաներենով կամ անգլերենով լիարժեք լրացված դիմում-հարցաթերթիկ՝ ներառյալ Կացության մասին դաշնային օրենքի §54-ով սահմանված իրազեկումը: Հարցաթերթիկը կարող էք գտնել դեսպանության կայքում՝ սույն հղումով. <https://videx-national.diplo.de>,
- լիարժեք լրացված և ստորագրված հայտարարություն հասանելիության ([հղում](#)) վերաբերյալ,
- 2 նոր, բիոմետրիկ լուսանկար, մեկը խնդրում ենք սոսնձել դիմում-հարցաթերթիկներին,
- գործող ճամփորդական անձնագիր, որը վավերական լինի առնվազն 6 ամիս, (անձնագրում պետք է լինի առնվազն երկու դատարկ էջ, իսկ անձնագիրը տրված լինի ոչ ավելի վաղ, քան տասը տարի առաջ),
- անձնագրի այն էջերի պատճենները, որտեղ առկա է կնիք, վիզա կամ որևէ այլ նշում,
- Ռեֆերենտ անձի ծննդյան վկայականը՝ ապոստիլով (կամ անհրաժեշտության դեպքում՝ լեզալիզացիայով) ինչպես նաև ծնողների ամուսնության վկայականը՝ ապոստիլով: Ռեֆերենտ անձի ամուսնուն/կնոջը վերամիավորվելիս՝ ամուսնության վկայականը՝ ապոստիլով կամ լեզալիզացիայով, ինչպես նաև ամուսնու/կնոջ ծննդյան վկայականը՝ ապոստիլով (կամ անհրաժեշտության դեպքում՝ լեզալիզացիայով):
- Ռեֆերենտ անձի և անհրաժեշտության դեպքում նաև ամուսնու/կնոջ ճամփորդական անձնագրի և կացության թույլտվության պատճենը: Պետք է պատճենել անձնագրի այն բոլոր էջերը, որոնցում կան նշումներ (վիզաներ, մուտքի արտոնագրեր, ճամփորդական կնիքներ և այլն):
- Ռեֆերենտ անձի և անհրաժեշտության դեպքում նաև ամուսնու/կնոջ Գերմանիայում գրանցման վկայականը, որը տրվել է ոչ վաղ քան դիմումը ներկայացնելուց վեց ամիս առաջ: Եթե ռեֆերենտ անձը Գերմանիայում դեռ չունի բնակության վայր, որպես բնակության հասցեի ապացույց կարող են ծառայել վարձակալական պայմանագիրը կամ սեփականության վկայականը:
- Կենսական կարիքների ապահովման մասին ապացույցներ
- Բավարար բնակտարածք ունենալու վերաբերյալ ապացույց
- Գերմանիայում բժշկական բավարար պաշտպանություն երաշխավորող ապահովագրության մասին ապացույց: **Ճամփորդական բժշկական ապահովագրությունը բավարար չէ:**
- Այլ՝ ոչ Հայաստանի Հանրապետության քաղաքացիություն ունեցող անձինք, օրինակ՝ Ռուսաստանի, Իրանի կամ Հնդկաստանի քաղաքացիները իրենց բնակությունը Հայաստանում հավաստելու համար պետք է ներկայացնեն Հայաստանի կացության թույլտվություն՝ ռեզիդենտ քարտ (առնվազն վեց ամսվա),

Դեսպանությունը հուշում է, որ համաձայն Կացության մասին օրենքի §82-ի՝ յուրաքանչյուր դիմող պարտավոր է ապահովել դիմումի լիարժեքությունը, եթե որևէ փաստաթուղթ բացակայում է, դեսպանությունը համարում է, որ այն չի կարող ներկայացվել:

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունը ու ճշգրտությունը հատկապես ընթացիկ փոփոխությունների պատճառով:

Կոնտակտային ընթացիկ տվյալները, ինչպես նաև հեռախոսազանգերի ժամանակացույցը կարող էք գտնել կայքում. <https://eriwan.diplo.de/>

## Կարևոր ցուցումներ

Ձեր ուշադրությունն ենք հրավիրում այն հանգամանքի վրա, որ **դեսպանության շենքում հյուպատոսական բաժնի պատուհանի մոտ** գանձվող այցագրի վճարից բացի այցագրի համար դիմելիս այլ վճար նախատեսված չէ:

Դեսպանությունը **չի համագործակցում** որևէ տուրիստական ընկերության հետ: **Դա վերաբերում է նաև դեսպանության անմիջական հարևանությամբ գտնվող ծառայություններ մատուցող գրասենյակներին: Ճամփորդական կամ այլ ծառայություններ մատուցող գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, չի համապատասխանում իրականությանը:**

**Ոչ ոք չի կարող ազդել** Ձեր դիմումի հաջողության հեռանկարի վրա, քանի որ դիմումների վերաբերյալ որոշում է կայացնում բացառապես գերմանացիներից բաղկացած անձնակազմը: **Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում փող մի' վճարեք:**

Այցագրի հետ կապված հարցերի մասին արժանահավատ տեղեկություններ Դուք կարող եք անվճար ստանալ դեսպանության **հյուպատոսական բաժնի աշխատակիցներից:** Այլ անձինք տեղեկություններ տրամադրելու իրավասություն չունեն: